


佛本行集經

第二十一

二百九十六
業一

49726



佛本行集經卷第二十一

葉

隋天竺三藏法師闍那崛多譯

王使往還品下

時淨飯王復如是言我智慧子汝今雖於諸親族邊無愛戀心但取我意還來向家勿令我今爲於汝故憂愁懊惱取於命終善子凡

人行法行者皆於一切諸衆生邊生慈悲心如是乃得名爲法行豈但獨自身入深山始名法行所以者何我昔曾聞往古已來或有諸人在自己家不脫瓔珞種種嚴身長養鬚髮具足功德求解脫故在於家內亦能得於解脫之法凡是修習解脫行法唯須智慧及



以精進如此即是解脫。正因汝今違我而入山者如此，乃是避於五慾驚畏之法。然其彼等諸人在家，以諸瓔珞莊嚴自身，得解脫者，今當爲汝略而說之。昔有仁者，名曰隨常仁者，力金剛仁者，多有仁者，流行仁者，大富仁者，邊天又復有於毗提訶國王，名能生耶耶。

底王

隋言行行

仁者淨仙，又羅摩王。

隋言作喜

有如是

等無量無邊，在家諸王悉得解脫。汝今須知，在於家中求解脫法，亦能令得未必出家。是故汝可速來還家，滿二種願。一汝得受五慾之樂，二令我心常得喜歡。凡世間人受王位者，若令心得如願，功能是名真王。我今能爲

汝滿此願王位難捨我為汝故此難捨事能捨
與汝灌於汝頂汝若建立如是因緣則我歡
喜便即辭退捨世出家入山求道而說偈言
王位親密實難捐

今悉割斷持付汝

見汝堪治世間故

我生歡喜即入山

尔時大臣并及國師婆羅門等宣淨飯王如

是口勅所說之偈悉具委曲諮菩薩已復更
別以三種事意諫菩薩言大智聖子此是聖
子父王淨飯流淚嗚咽向我等勅酸切之語
是故聖子今聞父王如是苦勅堪應供養恭
敬父勅不得違逆聖子父王今以沒溺大深
苦河無人能拔出於智岸唯有聖子能作救

護堪拔彼苦猶如墮於最極深水唯大船師
乃能拔出如是如是聖子父王今以沒深大
苦惱海更無有人能拔出者唯聖子耳又復
聖子小嬰孩時增長養育唯憍曇彌兼其復
是聖子姨母莫令孤寡使其命終今為憶念
於聖子故受大苦惱譬如牝牛失犢子故悲
嗷而鳴如是如是彼憍曇彌以眼不見於聖
子故悲苦嗚咽常恒啼哭是故聖子不應捨
離復以往昔養育之恩猶如彼牛愛戀其子
并及宮內婦女眷屬亦然受苦又迦毗羅城
內一切釋種男女人民太小為愛聖子心煎
迫故被苦惱火之所燒燃是故聖子今可還

家見於彼等譬如大地被焚燒時在上諸天
降大甘雨滅彼焦熱苦劇之火

尔時菩薩聞父王使如是語已少時思惟以
調身心口喘氣已報使人言我亦久知人父
向子皆有愛心我知我父淨飯大王向於我
邊極大憐念憶戀著心我今但以怖畏世間
生老病死自身見沒豈能救沉欲求度脫故
捨離彼諸眷屬耳誰復樂捨此之親愛可不
欲得恒相見也若世間中無愛別離誰不樂
世雖復久住共諸親聚會當別離是故我今
捨於一切所愛親族及以父母志求菩提若
汝所言因愛我故致令父王生大苦惱我聞

此言實不戀著如是恩愛所以者何譬如有
人於睡眠中夢見親愛聚集合會覺還別離
若是凡人不解方更心生苦惱此是無識愚
癡衆生若有智人能自思念親愛合會猶如
路行道上結伴相與共行隨逐近遠到所至
處各散還本以是事故親愛眷屬聚集有離
何須愁惱又前世時曾爲眷屬捨已來此此
處眷屬捨至後世後世捨已復至後世如是
展轉更互相捨此諸眷屬愛戀之心從何處
來去至何處凡世間人從初受胎至一切處
如是念念利心時間悉皆有於死命鬼逐如
此何者是時非時今乃語我我子即今非是

入山求道之時何況在家受五慾時若當問我時非時者今當略之所以者何彼死命鬼於一切時攝諸衆生無不攝時是故我今欲求離彼生老病死以如是故無時非時

菩薩復言若當我父喚子但來我必與子灌頂王位我父必有大弘願心如是不難事以能與我可惜於道令我不脩但我不欲受此王位親愛繫縛非解脫道譬如患人不思美食去何智人貪是世樂其無智相愚癡之身大有苦惱故乃能受此王位耳既居王位放逸自在耽荒酒色不能捨離譬如金屋猛火熾燃譬如美漿和諸毒藥譬如華沼而有蛟龍

如是如是王位快樂意所娛樂諸患隨逐不覺不知以是因緣我今不樂亦非是法而說偈言

譬如金屋火熾盛

如食甘美毒藥和

如滿池華有蛟龍

王位受樂後大苦

尔時菩薩說是偈已復作是言以如是故往

昔諸王得王位已年少之時治化受樂後至老年厭離五慾棄捨宮殿便入山林凡人寧當在於山林食草活命不居宮殿受五慾樂如養黑虵後受其殃初受樂時不知患害後時瞋發遂便螫人寧捨居家入於山林莫捨山林還入家居何以故爲於先聖所譏嫌故

我今既得生於善家應修善法莫如癡人行
不善法自縱恣心既剃鬚髮著袈裟衣止住
山林修道學問而彼於後捨袈裟衣不懷慙
愧是名無羞愚癡之人或爲貪故或爲瞋故
故爲癡故或爲畏他如是反退我今不羨天
帝釋宮况復還欲入自己宅譬如有人已得
美食食訖已後吐變此食棄之於地復欲還
喫可得以不如是如是若人捨彼五慾出家
或爲諸緣還欲入家亦復如是譬如有人以
離火宅還欲入來如是如是以見俗患捨白
衣形入山修道迴還亦尔而說偈言
如人捨於火宅走
後時忽復更迴還

既見俗患離出家

從林反歸亦如是

尔時菩薩說此偈已告二使言汝等前稱父
王所說往昔諸王在家修法得解脫者此事
不然何以故此之二事因緣相乖甚大懸遠
所以者何求解脫人其心寂定微妙之處乃
得居停若在宮中五慾情蕩出外治民須行
鞭捶瞋責罪罰於是心中求解脫者無有是
處若人意樂無爲寂靜彼則不貪世間王位
設在位時應須捨離若樂王位其人心意不
能寂靜若樂寂定復貪出務此二相乖天地
懸遠譬如水火不得共居如是如是求解脫
法復著五慾終無是故曰定故我今決定知彼

往昔諸王捨王位已然後乃得寂定之法若
居王位教化之時其智未成且學用心治理
民耳不必專求解脫之法其事雖然彼等諸
王各隨其意或求解脫或受五慾我今不然
不學彼等亦復不曾發如此心我今已斷任
家慾鑠得於解脫不復貪著世間五慾豈得
還家

時二使人聞於菩薩如是等說無染著言專
正決定至真之語更復詳共白菩薩言大聖
王子今者誓願求無上法此是真實非無道
理但如此行今未是時所以者何聖子父王
今受如是憂愁苦惱是故聖子違背此心非

是正法而說偈言

今求法藏實是利

父王愁毒切割心

雖有正理未合時

孝德既乖是何道

尔時二使說此偈已重白聖子作如是言大
聖王子如我所見此意非是細觀法行於世
財利及以五慾非巧方便所以者何聖子今
者未曾見因云何求果現得果報而便捨背
方求未來大聖王子凡是世間一切書典各
各皆自有於悉檀或有人言有未來世或有
人言無未來世然此義中人多有疑是故聖
子以得果報現在且受若無來世何須精勤
求彼解脫

復有人言決定世間有善有惡未來世受以
是義故精勤修行求解脫道是名爲癡若使
諸根決定破壞親愛別離怨憎聚會境界相
合自然捨離生老病死何假須作勤劬方便
當知此義無有實也又在胎時手足曾背腹
肚鬚爪諸節支脉自然而成或復有人得成
身已還復破壞或有人言旣破壞已還自然
成故先典中有如是語棘針頭尖是誰磨造
鳥獸色雜是誰畫之此義自然無人所作亦
復不可欲得即成世間諸物不得隨心即使
迴轉而有偈說

棘刺頭尖是誰磨

鳥獸雜色復誰畫

各隨其業展轉變

世間無有造作人

復有人言世間作者一切皆由自在天作若自然者人亦何須懃劬作業可不是因流轉自來及其去時還是彼因流轉自去

復有人言以分別故則我相生故受於有有盡亦然若受有時不假懃求自然而受若有盡時自然而盡亦不假滅

復有人言世間欲受人身之時其父不負他人之債則便得生生天生仙一切悉然若此三處不負債者此人不用懃劬而求自然而得彼處解脫如是次第諸經典中各各悉擅自說如是各得解脫其有智人精懃慾求勝

處之時必損其心是故我知聖子若欲求解
脫者依理依法應如是求解脫之路如古書
典悉檀所說若如是者必定當得無有疑也
聖子慈父淨飯大王為聖子故受愛心苦當
得除愈聖子今者還宮之時意中若見宮殿
患厭此事亦復不須思惟何以故昔諸王仙
棄捨家已至山林中後還迴向自家宮中言
彼王者各有名号所謂菴婆梨沙王隋言虛
空箭捨
離家已在山林中諸臣百官開諫曉喻左右
前後圍遶而還其羅摩王隋言
能善既見大地被
諸惡人之所毀敗各各相奪迭相殺害心不
忍看從山出來如法擁護又復往昔毗耶離城

有一大王名徒盧摩隋言樹亦從山林下來本

國護持世間往昔又有一梵仙王名娑枳居

及梨佉隋言雜言又羅枳提婆王隋言喜天達摩耶舍

王隋言法稱諸如是等梵仙諸王無量無邊各捨

山林還來本宮綏撫大地是故聖子聞此往

昔諸王本事今若還宮無有患苦而說偈言

如是名稱諸王等各捨綵女入山林

後並棄山還本宮聖子今迴有何過

亦時菩薩聞彼二使如是語已告彼大臣并

及國師婆羅門言有無之義疑與不疑我自

知耳但此二義所有真理隱之與顯我忍受

之其傳聞者既無因緣何由可信若有智人

應不依他虛說而行猶如盲人欲行道路既無導者不見真實云何得行心自不使若善非善彼盲癡人假令淨法心見不淨以無智故我今寧發精進之心而雖未得甘從果報長受苦惱實不忍在五慾淤泥迷沒沉溺爲於諸聖之所譏訶暫受快樂又汝等言往昔已來虛空箭王及能作喜並從山林還入家者彼等諸王我不取於解脫法中用爲證明何以故彼等諸王以其所學盡神通故別更無有苦行之法是故彼等迴反還宮汝等今者莫作是念我當立誓假使日月墮落於地此雪山王移離本所我若未得正法之寶貪

世事故以凡夫身還入本宮無有是處我今
寧入熾盛猛炎大熱火坑不得自利而還入
宮無有是處

尔時菩薩作是誓已從坐而起捨棄此林背
彼二人獨自而行時彼二使聞於菩薩如是
言已復見決定捨諸親族發如是願知必不
迴舉身自撲從地而起流淚滿面大聲而哭
隨菩薩行欲近菩薩是時菩薩威德甚大彼
等二人不能得逼猶如日光耀彼等目不能
覩見菩薩之身

尔時使人復更重諮菩薩是言唯願聖子莫
作如是剛鞞志意願定我等戀慕之心我等

愛心既未除斷不忍棄捨聖子而去彼等二人愛菩薩故兼復重意向淨飯王以是因緣隨菩薩後東西而行或住或看或行或走時彼二人更復別教四人隱身隨菩薩後左右而行汝等人輩莫離聖子看至何處如是教已時彼二人心中愁毒受大苦惱啼哭叫喚各相問言我等今者云何至城見大王面大王心情爲聖子故大受苦惱我等此言云何得奏若至王邊復作何語能解王心而有偈說彼等二使知聖子
使定不還至自宮
別遣四人逐後行
自迴見王云何說

佛本行集經問阿羅邏品第二十六上

尔時菩薩捨其父王大臣使人并及國師婆
羅門時兩俱流淚既分別已漸漸前行安庠
而向毗舍離城未至彼城於其中路有一仙
人修道之所名阿羅邏姓迦藍氏時彼仙人
有一弟子遙見菩薩向己而來見已生大希
有之心從生未曾覩見斯事見已速疾走向
其師所坐之處至已向彼諸同學等摩那婆
邊大聲唱喚彼等姓名各各自言仁者跋伽
婆仁者弥多羅摩仁者設摩諸如是類摩那
婆等皆悉告言汝等今者可各喜歡心應捨
離祭祀之法今此處所有遠方客大德仁來
應須迎接然此仁者已能厭離諸結煩惱欲

求最上至真解脫即是釋王淨飯王子諸相
端嚴猶如金柱身光明耀巍巍堂堂修臂下
垂手過于膝足趺下踏千輻之輪行步安庠
如牛王視圓光威德猶如日輪身若黃金衣
袈裟服我等福利最上之尊漸漸自來向我
等邊我等今者應須辦具隨力所有供養承
事勿令虧少恭敬尊重頂戴奉迎亦時彼摩
那婆即以偈頌歎菩薩言

安庠善巧能行步
衆相滿足莊嚴身
足下圓輪具千輻
脩臂洪直自在垂

願眇猶若大牛王
一切諸毛皆上靡
眉間宛轉妙白毫
此是人中大師子

尔時彼摩那婆口說此偈歎菩薩已重告彼
諸摩那婆言汝等一切諸摩那婆可共相隨
向於師所諮白此事是時彼諸摩那婆等即
便相隨往詣其師阿羅邏邊到已委具諮白
於師如前等事言語既訖

尔時菩薩安庠而行忽然來至阿羅邏邊其
阿羅邏仙人遙見菩薩近來見已不覺大聲
告言善來聖子菩薩前至阿羅邏所二人對
面相共問訊少病少惱安隱已不相慰問訖
其阿羅邏請菩薩坐草鋪之上而有偈說

二人相見大喜歡
相對語言時未幾

各各問訊少病惱
清淨草坐即便鋪

亦時菩薩坐草鋪已其阿羅邏諦心觀察菩
薩之身上下觀已生大歡喜希有之事即對
菩薩以美音辭往來談說稱讚菩薩作如是
言仁者瞿曇我久承聞仁者丈夫能捨王位
踰城出家割絕親愛染穢羅網譬如大象斷
牢鐵鑊或鞞皮繩頓絕之後自在走出隨心
所行如是如是仁者今日乃能猛心捨宮入
山於一切處知足少欲大有智慧仁者瞿曇
既得如是希有之事世間富貴果報功能得
已能棄剝落山林此實難辦往昔諸王雖得
王位果報具足備受五慾至年老時喫於世
子付囑王位灌頂爲王於後方捨宮內而出

至於山林行求於道彼不爲難亦非希有如
我所見仁今年少不受五慾捨是富貴功德
之事能辦是心來此求道旣得如是不可思
議大聖王位最勝境界正盛年時能斂心意
不著諸慾志求解脫不被縛著不爲諸根境
界所染能知有中一切諸患不被諸有之所
纏繞何以故往昔有王名曰頂生彼王已得
統四天下猶不知足騰上至彼三十三天得
於帝釋半座而坐以其內心不知足故五慾
境界便即失盡墮落於地
復有一王名那睺沙亦得王領於四天下還
復上至三十三天治化諸天猶尚不足亦失

王位墮落於地諸如是類羅摩王陀盧呼弥
王阿沙羅吒迦王等又多有諸轉輪聖王以
得王位不知足故皆失境界富貴王位悉皆
滅盡世間無人得境界已心知足者猶如大
火得薪熾盛其阿羅邏作是語已菩薩報言
仁者大仙我見世間如是相已復觀一切猶
如芭蕉心內不牢後還破壞以得境界恐不
知足不求自利厭離慾事我知是已尋求正
路處處遊行猶如有人行於曠野失伴迷路
心感諸方不得導師以求導故處處遊行今
我亦然

尔時菩薩作是語已時阿羅邏更復諮白於

菩薩言：仁者瞿曇，我久見於大士，心相仁於解脫，堪作大器。

今時衆中有一摩那婆，是阿羅邏仙人弟子，合掌白師，歎於菩薩作如是言：希有此人，不可思議，能辦此心。往昔諸王年少之時，坐於宮內，當受五慾，於後得年頭白。老時各喚太子，付囑王位，灌頂爲王。於後捨家而入山林，行行脩道而得王仙。此者不然，盛年少壯，正是仗意受五慾時，少病少惱，氣力充足，頭髮烏黑，身躰柔輒，勇猛具足，無所乏少。父王年老，不貪王位，厭離世間，不貪果報，而能出家入山求道。

時阿羅邏白菩薩言仁者發心欲求何事欲
辦何道乃能發心來於此處菩薩報言尊者
大師我以見此世間衆生以爲生老病死纏
縛不能自出今發如是精懃之心時阿羅邏
復作是言仁者瞿曇乃能生於如是慧眼發
如是想此義真實所以者何而說偈言

一切法勝唯有行

清淨寂定不過心

染著恩愛最怨家

諸有恐怖是老死

今時阿藍說是語已而彼衆有一摩那婆是
阿羅邏仙人弟子白菩薩言仁者今捨親愛
眷屬背而來此有何心意菩薩報言世界所
有集聚合會決有別離我知如是故發此意

欲求至真

時阿羅邏仙人重更白菩薩言仁者今以得於解脫所以者何衆生所沒此泥難度世間所縛此牢強繩仁者已能獨辦此心我當說此解脫法門所謂愛心仁須遠離言愛心者是世間中大惡蛟龍於心水內居止停住失一切利以如是故我今觀知世間之人非是正行其能取於正行之法唯有智人遠離愛染應須發心斷見有相作於無相

菩薩答言大仙尊者我受是語如尊所言阿羅邏仙復問菩薩仁云何受菩薩報言世間之人以作相縛其相縛者凡是父母生子養

育爲立家故養育見息有能增長成就我家
以是緣故父母養子若無因緣自許眷屬猶
不親近況復他人凡親近人貪求利故而昵
於人終無虛覓阿羅邏仙復更讚言善哉仁
者仁今已知世間諸法瞿曇沙門乃尙明證
一切諸智

時彼衆有一摩那婆亦是羅邏仙人弟子白
菩薩言仁者瞿曇仁今以得是最上樂何以
故能漸離於一切愛相即得世間諸無惱法
所以者何我見世間少有人能不怜婦兒不
求財物不舉兩手哭於世間多見有人以不
少欲不知厭足愛惜資財常起貪心染著世

利家家盡皆舉手大哭而說偈言

世間罕見知足人 少欲無求不受苦

所有哭泣恩愛者 多是貪著聚資財

時阿羅邏白菩薩言希有仁者瞿曇如是廣大智慧是故仁今辦是勇猛制伏諸根不令增長於諸慾染勿爲所牽是時菩薩問於尊者阿羅邏言大仙尊者諸根何故如是不定欲降伏者方便云何唯願尊者爲我解說其阿羅邏仙人報言沙門大士凡人在世欲厭離生我今當爲大士略說方便之相大士諦聽而有偈說

大尊仙人阿羅邏

發遣菩薩神智心

於自己論悉檀中

分別要略而宣說

瞿曇大士凡欲除於諸根躰相及根境界應
須如是思量分別何以故是諸根等一切境
界既分別知悉須捐捨乃至諸根境界之內
有諸愛染彼愛所染即能令著以此著故則
令衆生沉沒世間不能得出諸凡夫人受於
貪愛繫縛等苦一切皆由境界故得如是等
事大士當知何因緣而說偈言

山羊被殺因作聲

飛蛾投燈由火色

水魚懸鈎爲吞餌

世人趣死以境牽

尔時菩薩聞此偈已復更問言尊者今說調
伏諸根方便相見共因緣生躰性虚空誰惑

無實猶如火坑猶如夢幻如草上露我今心想以如是知

時阿羅邏仙人復問菩薩大士仁何故言諸境界內無利益想菩薩報言凡人欲依諸境界住受果報者猶如有人造立屋舍欲蔽日光或避風雨如人以渴故求於水又如人飢故求覓食如人垢穢欲洗浴身如人露形求衣覆躰如人困乏故求乘騎欲得除寒故求於暖欲得除熱故求於涼欲去疲勞故坐床鋪如是等事諸所求者皆爲以苦來逼身故所以推求如似病人爲患重故方覓良醫世間之人一切悉皆如是希望

時阿羅邏讚言瞿曇希有此心大德云何於
世間中能作如是速疾即生無常之想希有
希有能見真實大德利根聰慧易悟若能如
是明了見者是名真見若異見者是名誑惑
如仁所言為飢求食避藏風雨以此寒熱暫
易奪故世間人心即生樂想又復歎言仁者

瞿曇真是法橋任持大器我雖傳聞先觀弟
子堪受法不若能堪受然後為說種種諸論
如我所見仁者今日則不復然俯仰云為深
得進止不假須觀如我論中有真實義盡為
仁說

尔時菩薩聞阿羅邏仙如是語已生大歡喜

而重問言尊者大仙今日未知我之孝心忽
 為我作如是妙說我知是相雖未即益今以
 得利所以者何譬如有人欲見於色而得光
 明如人遠行須得善導如渡彼岸須得船師
 尊者今日顯示我心亦復如是唯願尊者更
 為我說尊者所知云何度脫生老病死

佛本行集經卷第二十一

業

捐

緣音

嗚咽

於上音

結反

烏下

酸

蘇官

沒溺

的下

如

嬰

孩

上

一盈反

特牛

於上音

犢牛

下音

劇

奇

進

喘

的

反

奇

進

尺

軟

蛟龍

交音

娛樂

愚上音

螫

一呼各反

擊

同

與字

迴

同

與字

還

宣下

反

鞭

撫

委下

反

罰

伐音

勤

劬

衢下

音

抓

反

巧

蕨

棘

反

力

尖

反

廉

迭

反

徒

結

枳

止音

綏

雖音

自

撲

角下

剛

反

下

吾

反

去

邏

反

郎

賀

夫音

蹈

盜音

輻

福音

虛

少

願

反

下

音

上

靡

彼下

反

苗

訖

訊

二音

鋪

反

疋

蒲

罕

音

同

勞

曠

野

况上

反

苦

眊

反

日

罕

反

呵

管

餌

反

二

同

勞

曠

野

况上

反

苦

眊

反

日

罕

反

呵

管

餌

反

字

下

貝

蔽

反

必

祭

稀

望

下

音

上

音

希

志

相

貝

